

---

**OS FBiH**



**ODBOJKAŠKI SAVEZ  
FEDERACIJE BOSNE I HERCEGOVINE**

---

**PROPozICIJE**  
takmičenja OS FBiH  
(Federalna liga)

Tuzla, 12.06.2024.

Na osnovu člana 50. Statuta Odbojkaškog saveza Federacije Bosne i Hercegovine, Upravni odbor OS FBiH na sjednici održanoj 12.06.2024. godine donosi

**PROPOZICIJE**  
**takmičenja Odbojkaškog saveza Federacije Bosne i Hercegovine**  
**(Federalne lige)**

**član 1.**

Takmičenje se provodi u skladu sa Međunarodnim pravilima igre, Pravilnikom o takmičenju OS FBiH, ovim propozicijama i drugim aktima kojima se regulišu pitanja takmičenja.

**član 2.**

Super liga Federacije BiH za žene broji po 12 ekipa i bit će podijeljena u dvije grupe na teritorijalnom principu (sjever i jug) grupa sjever broji 12 ekipa a grupa jug 12 ekipa. Takmičenje u svakoj gupi se odvija na ligaškom principu, po dvostrukom bod sistemu sa rasporedom po "Bergeru" i na osnovu takmičarskih brojeva ekipa.

Do prvaka u Superligi za žene dolazi se odigravanjem dvije utakmice. Dvije prvoplasirane ekipe iz grupa Sjever i Jug igraju ukupno dvije utakmice jednu domaću i jednu gostujuću. Izvlačenje prve domaće utakmice obavit će se poslije završetka ligaškog takmičenja -prvi ponedjeljak- u prostorijama saveza, a prva utakmica domaćinstva biće ekipa koja bude prva izvučena na izvlačenju. Prvak je ekipa koja u dva susreta bude bolja u pobjedama, set ili poen količniku, a u slučaju istovjetnog rezultata, set i poen količnika igra se „Zlatni set“ odmah nakon završetka druge utakmice. Prvak ulazi u Premijer ligu BiH.

Ukoliko neka ekipa u toku prvenstva napusti ili nezapočne takmičenje smatrat će se da je ta ekipa poslednje plasirana i da je ona prešla u najniži rang takmičenja.

Superliga Federacije BiH za muškarce broji 10 ekipa i biti će jedna grupa. Takmičenje u gupi se odvija na ligaškom principu, po 2 (dvostrukom) bod sistemu sa rasporedom po "Bergeru" i na osnovu takmičarskih brojeva ekipa. Na kraju prvenstva prvoplasirana ekipe je prvak i ista ulazi u Premijer ligu.

Prvaci Superliga u muškoj i ženskoj konkurenciji stiču pravo prelaska u viši rang takmičenja, odnosno Premijer ligu BiH.

Ukoliko neka od ekipa prije ili u toku takmičenja istupi ili bude isključena iz takmičenja u Superligama, liga se neće popunjavati.

Po jedna posljednje plasirane ekipe u Super ligi za žene iz grupe sjever i jug igraju dvije utakmice za opstanak u Super ligi odnosno ispadanje u niži rang. Poražena ekipa u dva susreta (slabija) napušta Super ligu Federacije i seli u niži rang takmičenja u Prvu ligu FBiH. Izvlačenje prve domaće utakmice obaviti će se poslije završetka ligaškog takmičenja -prvi ponedjeljak- u prostorijama saveza, a prva utakmica domaćinstva biće ekipa koja bude prva izvučena na izvlačenju. Pobjednik je ekipa koja u dva susreta bude bolja u pobjedama, set ili poen količniku, a u slučaju istovjetnog rezultata, set i poen količnika igra se „Zlatni set“ odmah nakon završetka druge utakmice.

Ukoliko neka ekipa istupi iz takmičenja onda se ona smatra da je poslednja i onda se neće igrati utakmica za opstanak.

Prva liga Federacije BiH za žene ima jednu grupu i broji 7 ekipa. Prvak u Prvoj ženskoj federalnoj ligi je ekipa koja na kraju prvenstva osvoji prvo mjesto. Igra se dvostruki bod sistem po "Bergeru".

Varijante ispadanja iz Superliga, zavisno od broja ekipa iz Federacije koje ispadaju iz Premijer lige BiH, su slijedeće:

1. iz Premijer lige BiH ispadaju dvije ekipe iz Federacije ili jedna odnosno ne ispadne nijedna.
  - iz Superlige ispadaju onoliko ekipa koliko bude zahtjevala situacija dok se Super liga popunjava sa jednom prvoplasiranom ekipom u iz prve lige Federacije BiH.

U svakoj varijanti prvoplasirane ekipe Superliga u muškoj i ženskoj konkurenciji ulaze u Premijer ligu BiH i jedna prvoplasirana ekipa iz Prve ženske federalne lige ulaze u Superligu za žene.

Ekipa koja pristupi Višem rangu nema pravo istupanja iz tog ranga jer ukoliko istupi iz bilo kojih razloga biće kažnjena sa 4.000 KM + PDV i pokreće se Disciplinski postupak protiv iste a Direktor donosi Rješenje. Klub kada se okonča postupak i izvrši sve finansijske obaveze takmičenje počinje takmičenje u najnižem rangu. Ovo pravilo se primjenjuje za Premijer ligu, Superligu i Prvu ligu FBiH za Klubove članove OSFBiH.

Na kraju prvenstva i nakon završetka i popune Superliga bit će izvršena ponovna raspodjela ekipa po grupama sjever i jug u zavisnosti od toga sa kog područja su ekipe koje se plasiraju ili ispadnu u Superligu, a raspodjelu će izvršiti UO OS FBiH po teritorijalnom principu.

Ekipa koja napusti viši rang takmičenja ne može se ni u kojem slučaju automatski vratiti u viši rang takmičenja. Viši rang takmičenja popunjava se isključivo prema plasmanu u nižem rangu takmičenja. Konačan plasman u nižem sistemu takmičenja u kojem postoji više grupa određivat će se isključivo na osnovu

plasmana u ligaškom takmičenju. Upravni odbor OSFBiH donosi Odluku o popuni svih liga za sezonu 2024/25 i ta Odluka je Konačna.

Klubovi koji imaju drugu ekipu u najnižem sistemu takmičenja, ne mogu ulaziti u viši rang takmičenja niti osvojiti titulu prvaka u toj grupi. Ove ekipe igraju Van konkurencije. Ukoliko se desi da neka ekipa zauzme prvo mjesto na tabeli koja igra kao druga ekipa u takmičenju, njeno mjesto preuzima sledeće plasirana ekipa na tabeli koja igra sa jednom ekipom.

### **član 3.**

U takmičenjima za svaku dobijenu utakmicu sa 3-0 i 3-1 ekipa dobija tri boda, a za utakmicu dobijenu sa 3-2 pobjednik dobija dva boda, a poraženi jedan bod.

Ekipa koja izgubi utakmicu rezultatom 3-0 i 3-1 ne dobija bodove, a ekipi koja neopravdano ne odigra utakmicu izriče se kazna prema važećim aktima OS FBiH.

Plasman se utvrđuje na osnovu osvojenih bodova. U slučaju istog broja bodova prvo odlučuje broj pobjeda, zatim bolji količnik u setovima, ukoliko je količnik u setovima isti onda bolji količnik u poenima.

### **član 4.**

Takmičenjem u svim fazama rukovodi Takmičarska komisija, a provodi Direktor takmičenja.

Nadležnost Takmičarske Komisije i Direktora takmičenja utvrđene su Pravilnikom o takmičenju OS FBiH.

### **član 5.**

Klubovi su obavezni platiti kotizaciju za takmičenje u fond zajedničkih troškova za organizaciju i provođenje takmičenja prema odluci Upravnog odbora OS FBiH.

Bez izvršenih finansijskih obaveza Klubovi ne mogu učestvovati u takmičenju. Direktor takmičenja je obavezan zabraniti nastup Klubova koji ne izvrše svoje finansijske obaveze prije početka takmičenja i u toku takmičenja i o tome pismeno izvijestiti Upravni odbor.

### **član 6.**

Utakmice se mogu igrati samo u dvoranama koje ispunjavaju uslove za odigravanje utakmica.

Pravilnikom o tehničkim normativima za odigravanje utakmica u sportskim dvoranama utvrđuju se uslovi koje moraju ispuniti dvorane. U sezoni 2024/25 god. svaki Klub mora imati Certifikat za dvoranu koji će izdati komisija imenovana od UO OSF BiH. UO OSFBiH na zahtjev Kluba može izdati odobrenje da se u pojedinim dvoranama igraju utakmice ali bez prisustva publike. Klub je dužan podnijeti zahtjev prije početka Prvenstva na 30 dana, za one dvorane koje su bez izgrađenih tribina sa sjedištima a onda će komisija predložiti UO dali da da odobrenje za odigravanje utakmica ili ne. Odluka UO OSFBiH je Konačna .

### **član 7.**

Utakmice redovnih kola Superlige i Prve lige Federacije BiH igraju se u pravilu subotom i nedjeljom. Ukoliko je predviđeno Kalendarom takmičenja, utakmice se mogu igrati i srijedom.

Subotom utakmice moraju započeti između 12:00 i 20:00 sati, a srijedom između 15:00 i 20:00 sati.

Utakmice koje se igraju nedjeljom moraju započeti između 12:00 i 20:00 sati, a ako je gostujuća ekipa udaljena preko 150 km, onda domaćin nemože zakazati utakmicu prije 14:00 sati niti poslije 17:00 sati.

Srijedom utakmice se mogu zakazati između 15:00 i 20:00 sati.

U slučaju duplog programa – prva utakmica počinje: nedjeljom najkasnije u 16:00, a subotom ili srijedom najkasnije u 17:00 sati.

Ako se u istoj dvorani igra dupli program (odnosi se samo na odbojkaške utakmice) druga utakmica se zakazuje tri (3) sata poslije zakazanog termina prve utakmice.

Za izvanterminalske utakmice mora postojati pismena saglasnost gostujuće ekipe dostavljena domaćinu i Direktor takmičenja OS FBiH.

Direktor takmičenja može odrediti i drugo vrijeme za odigravanje utakmice koja je predviđena za televizijski prenos.

#### **član 8.**

Na zahtjev klubova Direktor takmičenja može odobriti promjenu termina, mjesta i vremena početka utakmice.

Zahtjevi za promjenu termina, mjesta i vremena početka utakmice moraju prispjeti Direktor takmičenja i gostujućoj ekipi najmanje pet dana prije utvrđenog termina odigravanja utakmice.

O zahtjevu, Direktor je dužan da odluči u roku od 24 sata i o tome odmah obavijesti klubove i službena lica.

Ukoliko se utakmice klubova koje učestvuju zvaničnim međunarodnim takmičenjima ili na međunarodnim utakmicama i tradicionalnim turnirima revijalnog karaktera, za čije učesće postoji saglasnost nadležnog organa, poklapaju se terminima redovnog kola lige, prvenstvene utakmice igraju se u srijedu koja prethodi ovom kolu ili uz dogovor klubova, a najkasnije do početka narednog kola.

U slučajevima koji nisu predviđeni ovim Propozicijama, Direktor takmičenja ima pravo odrediti termin i vrijeme odigravanja utakmice, vodeći računa o ravnopravnosti ekipa u takmičenju.

#### **član 9.**

Radi regularnosti takmičenja, utakmice posljednjeg kola koje odlučuju direktno o plasmanu u viši ili niži rang takmičenja igraju se istog dana u isto vrijeme.

Direktor takmičenja određuje vrijeme (satnicu) igranja ovih utakmica.

#### **Član 10.**

Dužnosti domaćina su:

1.) da istakne zastavu Bosne i Hercegovine, koja mora biti veća od svih ostalih koje se nalaze u dvorani i istaknuta na najvidnijem mjestu.

2.) da organizuje redarsku službu (najmanje 4 redara sa vidljivim oznakama obučeni u istu opremu),

3.) da obezbijedi ispravne Mikasa lopte **V200W** prihvaćene od FIVB, za zagrijavanje gostujuće ekipe – jedna lopta na dva igrača-ice,

4.) da obezbijedi tri ispravne Mikasine lopte **V200W** prihvaćene od FIVB, za odigravanje utakmice. Sve lopte i za zagrijavanje i odigravanje utakmice moraju biti iste.

5.) da obezbijedi najmanje 3(tri) skupljača lopti, (gdje nije moguće, prilagoditi uslovima dvorane po procjeni delegata i prvog sudije),

6.) da obezbijedi brisanje terena, sa 2 (dva) brisača,

7.) da obezbijedi ručni semafor (bez obzira da li u dvorani ima ugrađen elektronski semafor),

8.) da obezbijedi važeći međunarodni zapisnik,

9.) da postavi sto i stolice za zapisničara, delegata i rukovaoca semafora,

10.) da postavi posebne klupe za rezervne igrače, trenera, ljekara i fizioterapeuta.

11.) da se obezbijedi sudijska stolica sa platformom,

12.) da obezbijedi listu za prijavu ekipa i listiće za postavu,

13.) da obezbijedi 2(dvije) jednoobrazne zastavice za linijske sudije, visinomjer, termometar i manometar.

14.) da obezbijedi dežurnog licenciranog ljekara sa priručnom apotekom za pružanje prve pomoći –obaveza licenciranog ljekara je da ima kod sebe ličnu/osobnu kartu i na zahtjev Delegata ili Supervizora dužan je da je pokaže. Ako domaćin nema licenciranog doktora a ima doktora sa validnom dokumentacijom o stečenom zvanju doktora , utakmica se igra a domaćinu se izriče novčana kazna od 300-500 KM + PDV.Ukoliko domaćin nije uopšte obezbjedio dežurnog ljekara utakmica se nemože igrati i registruje se službenim rezultatom za gostujuću ekipu a protiv domaćina pokreće se disciplinski postupak. Direktor takmičenja pokreće disciplinski postupak.

15.) da prijavi utakmicu organu unutrašnjih poslova u skladu sa važećim kantonalnim zakonima o javnom skupovima, te da popuni, potpiše i ovjeri Izjavu o organizaciji utakmice na propisanom obrascu.Ukoliko klub nije i nema dokaza da je prijavio utakmicu MUP-u, Direktor takmičenja izriče mandatnu kaznu od 300-1000 KM + PDV, utakmica će se odigrati a domaćin će biti odgovoran za sva dešavanja u dvorani. U slučaju da dođe do propusta i pojave neželjenih događaja protiv domaćina biće pokrenut disciplinski postupak.

16.) da obezbijedi neophodne higijensko-sanitarne uslove,

17.)Ako delegat i prvi sudija nisu održali tehnički sastanak iz bilo kojih razloga , isti će biti sankcionisani od 200-500 KM +pdv.

18.) da omogući televizijski prenos, a predstavniku gostujuće ekipe snimanje utakmice ako to pismeno zatraži najmanje 3(tri)dana prije odigravanja utakmice .Saglasnost za snimanje utakmice daje direktor takmičenja. Ukoliko Klub neispuni uslove po stavkama iz ovog člana ,za svaku stavku biće sankcionisan po 200 KM +PDV, osim za one stavke gdje je propisana sankcija.

#### **član 11.**

Polu sata prije početka utakmice, teren mora biti spreman za odigravanje utakmice. Delegat i Prvi sudija odlučuju o sposobnosti terena na kojem treba da se odigra utakmica. Ako se pojavi problem oko organizacije i igranja utakmice delegat ,prvi i drugi sudija daju 15 minuta domaćinu mogućnost da riješi sve nastale probleme.Ukoliko domaćin neriješi trenutne probleme tada delegat ,službena lica ,predstavnik domaćina i predstavnik gostujuće ekipe sastavljaju zapisnik oko nastalog problema. Zbog neodigravanja utakmice i nemogućnosti otklanjanja nastalog problema domaćin gubi utakmicu službenim rezultatom 3:0 a protiv istog se pokreće postupak u skladu sa aktima saveza.

#### **član 12.**

Ako je u dvorani temperatura niža od +10 stepeni celzijusovih ili svjetlost manja od 300 luxa, delegat-kontrolor ostavlja 30 minuta vremena domaćinu da nedostatke otkloni i stvori normalne uslove za odigravanje utakmice.

#### **član 13.**

Ukoliko organizator nije izvršio sve tehničke pripreme, Delegat i Prvi sudija odredit će vrijeme od 15 minuta da se uočeni propusti dovedu u red.

Delegat je dužan navesti sve uočene nedostatke u protokol o odigravanju utakmice. Za sve nedostatke koji ne budu otklonjeni klubovima će biti izrečena novčana kazna u iznosu 200-1000 KM +pdv ako nije drugačije propisano, za svaku stavku posebno, a ako delegat i prvi sudija to ne upišu u svom izvještaju onda se ova kazna prenosi na delegata i prvog sudiju. U slučaju da nije ispunjen uslov iz stava 15 prethodnog člana, utakmica neće biti odigrana za šta sankcije snosi klub-domaćin utakmice.

Odluka o neodigravanju utakmice i razlozi unose se u zapisnik koji potpisuje delegat, sudija i kapiteni obje ekipe.

#### **član 14.**

Klub domaćin tehnički je organizator utakmice, odgovara za cjelokupnu tehničku organizaciju prije, u toku i poslije odigrane utakmice.

#### **član 15.**

Klub domaćin obavezan je da pismeno obavijesti Direktora takmičenja i kancelariju saveza o terminu odigravanja utakmice, najkasnije 5 (pet) dana prije odigravanja utakmice, a službena lica nakon objavljivanja liste delegiranja najkasnije 2 (dva) dana prije odigravanja utakmice . Klub može najaviti kompletnu polusezonu prije početka takmičenja.Ukoliko Klub domaćin ne postupi u skladu sa

ovim članom biće novčano kažnjen sa 200 KM+PDV, i uplatu mora izvršiti prije početka sledeće utakmice. Za ove slučajeve nadležan je Direktor takmičenja.

#### **član 16.**

Za svaku utakmicu klub domaćin pismeno određuje svog predstavnika koji se stara o svim poslovima organizacione prirode i saraduje sa službenim licima i gostujućom ekipom. Zvanični predstavnik gostujuće ekipe je dužan da delegatu-kontroloru ili prvom sudiji dostavi pisani dokument za predstavljanje ekipe i isti mora biti potpisan i ovjeren.

#### **član 17.**

Klub domaćin je obavezan:

- a) da najkasnije jedan sat prije početka utakmice stavi na raspolaganje normalno zagrijane svlačionice za ekipe i službena lica sa tušem i toplom vodom,
- b) da obezbijedi posebnu prostoriju za obavljanje administrativnih poslova vezanih za utakmicu prije i posle odigrane utakmice (uzimanje izjave, najave žalbe itd.)
- c) delegat je dužan da obavijesti Direktora takmičenja o rezultatu utakmice (setovi i poeni), kao i o eventualnoj žalbi i dobijenim kartonima odnosno nedostacima u organizaciji utakmice. Ukoliko to ne učini biće mu izrečena novčana kazna od 150-300 KM +pdv i zabrana vršenja funkcije službenog lica. Direktor takmičenja izriče sankciju.

#### **član 18.**

Na utakmicama odbojkaških liga mogu nastupiti samo takmičari uz ovjerenu takmičarsku legitimaciju nadležnog organa i važećim ljekarskim pregledom koji ne može biti stariji od 6 mjeseci za igrač-e-ce i licencom takmičarskog organa OS FBiH. Ukoliko iz bilo kojih razloga igrač-ca nastupe na utakmici bez ljekarskog pregleda a naknadno se utvrdi da isti nisu imali važeći ljekarski pregled, utakmica će biti registrovana službenim rezultatom za protivničku ekipu 3:0, a protiv Ekipe koja je nastupila sa igračem-com biće izrečena novčana kazna do 3000 KM +PDV, Na svim legitimacijama, kod svi uzrasta mora biti upisan i ovjeren ljekarski pregled sa pečatom Doktora i institucije koja je izvršila pregled, ako ekipa nastupi bez upisanih i ovjerenih legitimacija bez obzira što ima na potvrdama ljekarski pregled, biće kažnjen Delegat, utakmica registrovana za protivničku ekipu službenim rezultatom i izrečena novčana kazna Delegatu do 500 KM +PDV, a Klubu do 1.500 KM. Direktor Takmičenja izriče kaznu i pokreće disciplinski postupak.

Na svim utakmicama stalnih takmičenja OS FBiH obavezan je nastup minimalno jednog licenciranog trenera po ekipi-koji mora imati ljekarski pregled koji traje 12 mjeseci, ako trener nema ljekarski pregled nemože sjediti na klupi. Trener koji je licenciran za jednu ekipu u Klubu nemože voditi drugu ekipu u istom Klubu, (npr; ako je licenciran trener za mušku ekipu u Klubu nemože u



istom Klubu voditi i žensku ekipu). Klub koji nastupi bez trenera bit će sankcionisan u skladu sa članom 36. ovih Propozicija takmičenja. Direktor takmičenja je obavezan da postupi u skladu sa ovim članom. Trener je obavezan nositi Akreditaciju na utakmici. Ukoliko je nema isti vodi utakmicu a Klubu se izriče kazna od 300 KM+PDV.

### **član 19.**

Za vrijeme trajanja utakmice za zapisničkim stolom mogu sjediti samo delegat, zapisničar, rukovalac semafora, dežurni ljekar i predstavnik kluba domaćina.

Zabranjeno je korištenje mobilnih telefona za zapisničkim stolom i isti moraju biti isključeni kao i na Klupama za sva lica koja učestvuju na utakmici.. Mobilni telefon može biti korišten od strane dežurnog ljekara samo u slučaju hitne potrebe da kontaktiraju nadležne službe (zdravstvena ustanova, vatrogasna jedinica, policijska stanica i sl.). Ukoliko se prekrši ova odredba Klub će biti kažnjen sa 300 KM +PDV. Za vrijeme utakmice na Klupi nesmije biti ništa od ishrane za igrače, samo može biti voda. Ukoliko igrači-ce za vrijeme utakmice koriste nešto za ishranu kao što su sendviči, čokolade itd. Klub će biti sankcionisan sa 300 KM+PDV. Delegat-kontrolor i prvi sudac su dužani lično da ispoštuje ovu odredbu i prijave ovakvo ponašanje direktoru, a ako to ne učine isti će platiti kaznu pojedinačno izrečenu u prethodnom stavu.

Za vrijeme trajanja utakmice na klupi za rezervne igrače mogu se nalaziti samo u zapisniku prijavljeni igrači (**maksimalno 14 igrača-ca**), 1(jedan) trener i maksimalno 2 (dva) pomoćnika trenera, ljekar i fizioterapeut. Fizioterapeut mora imati licencu izdatu od registracione komisije. Za vrijeme utakmice Fizioterapeut mora imati opremu koju propisuje Svjetska i Evropska odbojkaška konfederacija i sjedi odvojeno od igrača-ca na kraju klupe suprotno od trenera. Za vrijeme **Taym – auta**, nesmije uopšte biti sa igračima-ca, nego samo ako nekome treba ukazati pomoc onda samo igraču-ci koji zatraži pomoć preko delegata.

-Ako je klub u zapisnik prijavio 13 ili 14 igrača-ca obavezan je imati 2 libera.

-Ako je u zapisnik prijavljeno 12 igrača-ca, trener odlučuje da li će nastupiti 1 ili 2 libera.

Klub je dužan za vrijeme utakmice imati minimalno 10 (deset) igrača-ca i trenera. Za nastup sa manje od 10 igrača-ca na utakmici Klub će biti kažnjen za svakog igrača-cu po 100 KM+PDV.

Delegat je dužan poslije utakmice obavijestiti Direktora takmičenja ako je za Klub nastupilo manje od 10 igrača ili u KUP-u manje od 12 igrača-ca, a Direktor takmičenja izriče sankciju ekipi koja je počinila prekršaj i unosi Odluku u Bilten. Ako Delegat ne izvrši prijavu onda će direktor takmičenja Delegata-kontrolora sankcionisati sa 200 KM +PDV.

Ako ekipa u bilo kojoj kategoriji nastupi sa više od 14 igrača-ca utakmica se registruje službenim rezultatom 3:0 za protivničku ekipu, a ekipa koja nastupi sa više igrača kažnjava se sa 1000 KM +PDV. Ako delegat ne izvrši prijavu onda će Direktor istog sankcionisati sa 200 KM +PDV.

Klub koji nastupi sa manje od 12 igrača-ca na utakmicama Finala KUP-a, Play offa i na utakmici za prvaka u grupama će biti kažnjen sa po 200 KM +PDV za svakog igrača manje. Direktor takmičenja donosi Rješenje o sankcionisanju i isto je konačno. Sve utakmice u organizaciji OSFBiH se igraju bez tehničkog tajm-auta.

### **član 20.**

Oprema igrača-ca mora da odgovara zahtjevima Međunarodnih pravila igre i svi igrači-ice moraju da imaju jednoobraznu opremu.

Ukoliko su na dresovima ispisana prezimena igrača, ona moraju odgovarati prezimenima unijetim u zapisnik. Klub koji se takmiči u sistemu, nemože za vrijeme zvanične utakmice nositi dresove sa ispisanom reklamom drugog Kluba. Svaki Klub je dužan prijaviti Savezu reklamu ispisanu na dresovima u kojima nastupa na zvaničnim takmičenjima. Klub koji ne izvrši pismenu prijavu Savezu sa natpisom sponzora biće sankcionisan sa 1500 KM+PDV. Klub koji nastupi na zvaničnoj utakmici u dresovima na kojima je ispisana reklama nekog drugog Kluba-koji se ne takmiči u sistemu a ima izdato Rješenje Ministarstva Pravde o registraciji - biće sankcionisan sa 2500 KM+PDV. Igrači-ce nemogu na utakmicama nositi dodatnu opremu druge boje. Dodatna oprema može biti i u crnoj, bijeloj ili neutralnoj boji. Igrači-ce koji nose dodatnu opremu moraju biti u istoj boji ili niko nemože nositi dodatnu opremu-osim libera-za to su odgovorni Delegat-kontrolor, prvi sudija i Klub za koji su nastupili igrači-ce sa nepravilnom opremom. Oprema igrača-ica mora odgovarati zahtjevima iz Međunarodnih pravila odbojkaške igre. Svi igrači-ice moraju imati jednoobrazne dresove i šortseve, osim libera. Na dresovima i šorcevima moraju biti ispisani brojevi u skladu sa Međunarodnim pravilima. Ako na šorcevima nisu ispisani brojevi a Klub nastupi u takvim šorcevima biće kažnjen sa 300 KM +PDV. Kapiten ekipe mora imati na dresu oštampanu traku (nemože nositi zaljepljenu)-Ako nema oštampanu kapitensku traku, sankcija Klubu je 200 KM +PDV. Dodatnu opremu mogu nositi kao što su nadlaktice igrači-ce, ali da je ona ista (ista boja). Na terenu za vrijeme utakmice igrači-ce koji nose dodatnu opremu nadlaktice svi moraju imati istu boju. Na utakmicama nose nadlaktice samo oni koji žele(nije obaveza za sve) .Libero može nositi nadlaktice druge boje od ostalih igrač-ca. Ako u terenu ekipa ima 2(dva) libera onda oni moraju imati istu i opremu i dodatnu opremu-nadlaktice. Libero je neovisan od ostalog dijela ekipe .Libero(ako ima ekipa dva libera) mogu jedini u terenu da nosi nadlaktice.

Za to su odgovorni Delegat-kontrolor , Prvi sudija i Klub za koji su nastupili nepravilno igrači-ce. Na dresovima i šorcevima moraju biti ispisani brojevi u skladu sa propisima CEV-a od 1-99. Igrači-ce moraju imati iste čarape.

### **član 21**

#### **Oprema odbojkašica na zvaničnim utakmicama koje su pokriveno (hidžab)-**

Oprema odbojkašica koje pokrivaju dijelove tijela radi vjerskih propisa a koje odstupa od zvaničnih pravila igre, podrazumijeva sljedeće dopušteno:

-Donji dio opreme–trenerka, treba bit u skladu sa bojom šorceva koje koriste ostale odbojkašice podrazumjevajući vidljiv broj na šorcu preko trenerke propisanih dimenzija u skladu sa bojom brojeva ostalih odbojkašica .

- Gornji dio opreme-preko koje mora biti dres isti kao kod ostalih odbojkašica rukavi se pokrivaju u skladu sa bojom steznika ostalih odbojkašica što podrazumjevaju istu boju za steznike ostalih odbojkašica.

-Boja marame za pokrivanje kose nema ograničenja. Patike, čarape i koljenice podrazumjevaju opremu iz propisanih pravila odbojkaški igre.

### **član 22.**

Za utakmice Delegate delegira Direktor takmičenja i kontroliše njihov rad.

Prvog i drugog sudiju i eventualno rezervu određuje Vrhovni sudija. Vrhovnog sudiju imenuje Upravni odbor OS FBiH na prijedlog Komisije za sudijska pitanja. Zapisničara i linijske sudije delegiraju nadležni regionalni komesari za delegiranje koje imenuje Upravni odbor OS FBiH.

Svaki klub koji izrazi želju da mu se pojedine sudije ne delegiraju, obavezan je pismeno sa obrazloženjem zatražiti izuzeće 15 dana prije početka svake polusezone. U toku takmičarske sezone ovakvi zahtjevi se neće uzimati u obzir. Predstavnici Klubova ne mogu i ne smiju reagovati na objavljena delegiranja, ukoliko to budu radili protiv istih biće pokrenut disciplinski postupak. Vrhovni sudija ima pravo Klubu delegirati službena lica sa prostora cijele FBiH. Oni koji budu reagovali protiv istih Direktor takmičenja će pokrenuti disciplinski postupak.

### **član 23.**

Sudijski kolegij (prvi i drugi sudija, zapisničar i linijske sudije) obavezni su da se jave delegatu prije na 60 minuta i obavezno prisustvuju Tehničkom sastanku .

Službena lica su dužna da se u kompletnoj sudijskoj opremi jave delegatu i izađu na teren 30 minuta prije zakazanog početka utakmice.

Ukoliko delegirani Prvi sudija ne dođe na utakmicu, zamijenit će ga drugi sudija, a Drugog sudiju može da zamijeni sudija prisutan u sali i to samo uz obostranu saglasnost Klubova koja se konstatuje prije početka utakmice, potpisom oba kapitena u zapisniku.

Ukoliko u sali ne postoji odgovarajući sudija, Delegat-kontrolor donosi odluku o odigravanju utakmice i da utakmicu sudi jedan sudija.

### **član 24.**

Delegat je dužan da slika trenere obje ekipe zajedno sa akreditacijama, zajedno opreme kapitena i libera obje ekipe na kome će se vidjeti brojevi, traka kapitena na dresovima i šorcevima (ovo radi na tehničkom sastanku). Zajedno sva sl. lica sa akreditacijama pravilno okrenutim da budu vidljive. Dostavi na mail saveza u roku od 24 h, po završetku utakmice. Ukoliko to ne uradi biće sankcionisan novčanom kaznom od 200-500 KM+pdv i zabranom vršenja službene dužnosti do 3 utakmice. Direktor takmičenja izriče sankciju.

#### **član 25.**

Prvi sudija utakmice obaviti će sve dužnosti delegata ukoliko određeni delegat ne pristupi utakmici.

#### **član 26.**

Poslije završetka utakmice kapiteni obje ekipe obavezni su da potpišu zapisnik. Zapisnik se vodi u tri primjerka, od kojih se original šalje Direktor takmičenja, a po jedan preuzimaju kapiteni ili predstavnici Klubova i iste dužni su da čuvaju do godinu dana. Direktor takmičenja može zatražiti od obadvije ekipe zapisnike ili od jedne a ukoliko zatraženi zapisnik se nedostavi u određenom roku Direktor kažnjava ekipu koja ne dostavi traženi zapisnik do 1000 KM +pdv. Ukoliko kapiteni ne potpišu zapisnike iz bilo kojih razloga biće sankcionisani i on i Klub koji nije potpisao zapisnik. Kazna za kapitene iznosi od 100-300 KM+pdv, a za Klubove od 300-700 KM+pdv. Klub plaća i za igrače izrečene kazne. Direktor donosi Rješenje i ono je konačno.

#### **član 27.**

Na utakmicu i rezultat utakmice, povredu Propozicija takmičenja i Međunarodnih pravila igre, dopuštena je žalba.

Žalba mora biti najavljena u zapisniku sa odigrane utakmice i obrazložena osnovnim motivima odmah po završetku utakmice prije potpisivanja-ovjere zapisnika.

#### **član 28.**

Pismeno obrazloženje žalbe, uz uplatu takse koju utvrđuju Upravni odbor OS FBiH, mora se uputiti Direktor takmičenja najkasnije 48 sati po odigranoj utakmici. Procedura za rješavanje žalbe pokreće se onoga momenta kada uplaćena sredstva za taksu budu operativna na računu OS FBiH (ako su uplaćena u roku). Ako 1(jedna) od ekipa najavi žalbu i upiše je u zapisnik a nakon toga odustane od iste biće kažnjena sa 300 KM +PDV.

Žalbe koje ne ispunjavaju navedene uslove neće se uzimati u postupak i odbacivati će se iz formalnih razloga.

#### **član 29.**

Žalbe koje se odnose na pravo nastupa učesnika u takmičenju, neispravnost termina ili uređaja, temperaturu vazduha ili osvjetljenja podnose se prije početka utakmice.

### **član 30.**

Direktor takmičenja donosi Rješenje o žalbi najkasnije 7 dana od prijema žalbe uz uplatu takse na žalbu u iznosu od 300 KM + PDV. Ako podnosilac žalbe nije uplatio taksu na žalbu u roku od 48 sati, Žalba će se odbiti kao neosnovana iz formalno pravnih razloga.

### **član 31.**

Na Rješenje Direktora takmičenja može se uložiti žalba u roku od 7 dana od dana prijema Rješenja, drugostepenom organu Takmičarskoj komisiji OS FBiH, uz priloženi dokaz o uplati takse za žalbu u iznosu od 500 KM +PDV. Procedura za rješavanje žalbe pokreće se onoga momenta kada uplaćena sredstva za taksu budu operativna na računu OS FBiH-ako su ista uplaćena blagovremeno. Drugostepeno Rješenje po žalbi mora biti doneseno u roku od 15 dana od dana prijema žalbe i u roku od tri dana po održavanju sjednice upućeno žaliocu.

Neblagovremeno i nepotpune žalbe neće se uzimati u postupak.

Na drugostepeno Rješenje koje je donijela takmičarska komisija nezadovoljna strana ima pravo podnijeti Upravnom odboru žalbu uz uplatu takse od 800,00 KM+PDV, u roku od 7 dana. Upravni odbor je dužan u roku od 15 dana donijeti Odluku i obavijestiti strane u postupku.

Odluka Upravnog odbora je konačna.

Ukoliko se donese pozitivno Rješenje ili Odluka u potpunom postupku za subjekt koji se žalio istom će biti izvršen povrat finansijski sredstava-taksa na žalbu koji je uplatio u toku postupka.

### **član 32.**

Od uplata kotizacija,članarina,registracija ,licenci igrača-ca i trenera,sponzora i ostalih prihoda klubova učesnika takmičenja, formira se fond zajedničkih troškova, koji služe za pokriće troškova takmičenja:

- 1) troškovi izdavanja Biltena,
- 2) troškove odlaska specijalnih posmatrača(super-vizora) na određene utakmice u cilju zaštite regularnosti takmičenja,
- 3) troškovi nabave pehara i medalja za takmičenje,
- 4) troškovi telefona, telegrama i svih poštanskih troškova u vezi sa takmičenjem,
- 5) lična primanja-plate uposlenika koji obavljaju poslove za potrebe rada saveza,
- 6) troškovi lica koji dolaze na sastanke u savez imaju pravo na ugovore o djelu.
- 7) troškove kancelarijskog materijala i birotehničkih usluga za sve poslove i potrebe takmičenja,
- 8)troškovi priprema odbojkaških reprezentacija BiH ,
- 9)troškovi nabavke sportskih oprema,

- 10) troškovi blagajničkog maksimuma saveza,
- 11) troškovi službenog putovanja uposlenika saveza,
- 12) ostalih troškova vezanih za takmičenje i rad saveza.

### **član 33.**

Službenim licima na utakmicama pripada taksa za obavljenju dužnost, dnevnice i putni troškovi za putovanje u odlasku i povratku do mjesta stalnog boravka, prema stvarnom vremenu provedenom na putu.

Ukoliko se utakmica ne odigra, službenim licima pripada 50% od propisane takse i svi drugi troškovi iz prethodnog stava. Ovo pravo ne pripada službenim licima ako su istog dana na duplom programu naplatili taksu za jednu utakmicu.

Odlukom UO Saveza utvrđuje se visina taksi i drugih prava službenih lica.

Službena lica koja su delegirana na utakmice federalnih liga toga dana mogu obavljati samo dužnost na utakmicama pod ingerencijom OS FBiH –samo u izuzetnim situacijama mogu obaviti dužnost i u OSBiH o čemu Odluku donosi Direktor takmičenja. Ako se utakmica igra radnim danom –iz bilo kojih razloga onda taksa svim službenim licima se uvećava za 30%, izuzev ako je u kalendaru planirano da se igra radnim danom.

### **član 34.**

Nadoknade službenim licima na utakmicama Klub, koji je organizator utakmice, isplaćuje na sljedeći način:

- takse, putni troškovi i dnevnice na tekuće račune službenih lica najkasnije dan prije odigravanja utakmice za koju su delegirani-
- u slučaju potrebnog noćenja nekog od službenih lica, klub je dužan da obezbijedi i plati smještaj u hotelu u gradu u kojem se igra utakmica. Prenočište pripada Službenim licima koji imaju preko 150 km udaljenost u jednom pravcu od mjesta boravka do mjesta odigravanja utakmice.
- nadoknade maloljetnim službenim licima koji ne posjeduju tekući račun mogu biti isplaćene na tekući račun delegata ili prvog sudije. Prije takvih uplata klubovi su dužni kontaktirati lica na čiji tekući račun namjeravaju izvršiti uplatu i obavijestiti ih o takvoj namjeri.

Klub koji na navedeni način ne izvrši obavezu prema službenim licima neće moći odigrati utakmicu.

Klub je dužan službenim licima obezbijediti Ugovor o djelu i isti dati na potpis prije početka utakmice.

Klub se obavezuje da do početka utakmice uplati nadoknade službenim licima u skladu sa stavom 1 ovog člana -i službenim licima dokumentuje uplatnicu, a najkasnije prvog radnog dana po odigranoj utakmici uplati poreze i doprinose na dodatna primanja.

Klub koji u potpunosti ne postupi u skladu sa uputstvima datim u ovom članu snosi svu odgovornost za posljedice koje nastupe takvim nepostupanjem.

Taksa propisana Odlukom o naknadama službenim licima je u neto iznosu.

Utakmice neodigrane zbog nepostupanja kluba tehničkog organizatora utakmice u skladu sa ovim članom se registruju službenim rezultatom, a protiv Kluba se pokreće disciplinski postupak.

### **član 35.**

Prekršaji učinjeni protiv odredaba Pravilnika o takmičenju , ovih propozicija i drugih akata Saveza koja regulišu takmičenje podliježu disciplinskoj odgovornosti prema Pravilniku o disciplinskoj i materijalnoj odgovornosti.

Direktor takmičenja prikuplja potrebne dokaze za pokretanje postupka, a postupak vodi Disciplinski sudija.

Direktor takmičenja ima pravo da za propuste koji nisu sankcionisani Pravilnikom o disciplinskoj i materijalnoj odgovornosti, kazni službeno lice zabranom obavljanja dužnosti od 1 do 3 utakmice ili novčanom kaznom do 500 KM +PDV, a zbog nesportskog ponašanja igrača-ice, trenera ili drugog učesnika u takmičenju zabranom nastupa od 1 do 3 utakmice ili novčanom kaznom do 600 KM+PDV.

### **član 36.**

Za povredu međunarodnih pravila igre, Pravilnika o takmičenju i ostalih normativnih akata Saveza i odredbi Propozicija i Aneksa propozicija takmičenja, Direktor takmičenja izriče mandatne kazne za prekršaje koji nisu sankcionisani Pravilnikom o materijalnoj i disciplinskoj odgovornosti, u visini od 100-5.000 KM, i to:

- |   |  |
|---|--|
| 1.nepoštovanje rokova administrativne prirode   | 150-300 KM                                       |
| 2.nepropisna oprema igrača-ica  | 150-1500 KM                                      |
| 3.neispunjavanje uslova terena i dvorane, te propusti u organizaciji utakmica koji nisu sankcionisani Pravilnikom o disciplinskoj i materijalnoj odgovornosti   | 200-1000 KM                                      |
| 4.nesportsko ponašanje navijača   | 500-2.000 KM                                     |
| 5.incident na utakmici izazvan od strane igrača-ice, trenera sl.predstavnika Kluba ili navijača   | 500-2.000 KM                                     |
| 6.prekid utakmice   | 1.000-5.000 KM                                   |
| 7.neuredno izvršavanje finansijskih obaveza   | 500-1000 KM                                      |
| 8.propusti sudija i delegata-kontrolora i drugih službenih i zvaničnih lica ,nedolazak na utakmicu linijski sudaca za koje su propisani da moraju biti prisutni, kažnjavaju se Klub i Komesar sa regije koju pokriva. | 200-500 KM                                       |
| 9. neodigravanje utakmice zbog administrativnih propusta (neovjereni ljeekarski pregledi, neblagovremeni polazak na utakmicu i sl.)   | 1000 KM i gubitak utakmice bez oduzimanja bodova |
| 10. Nedolazak na utakmicu ekipe, neodigravanje utakmice iz bilo kojih razloga i gubitak utakmice službenim rezultatom .   | 2.500 KM   |

11. Klub domaćin koji ne obavijesti sl. lica o terminu odigravanja utakmice i mjestu (naziv dvorane) biće kažnjen sa 300 KM.
  12. Neispunjavanje neophodnih organizacionih mjera za odigravanje utakmice i gubitak utakmice službenim rezultatom zbog toga 2.500 KM.
  13. Ukoliko sl.lice ili trener dođu na utakmicu bez akreditacije i slikaju se bez iste biće kažnjeni sa 300 KM, Ukoliko trener nema akreditaciju na utakmici isti vodi utakmicu a Klubu se izriče kazna od 300 KM.
  14. Nepravilan sastav ekipe što se tiče libera.Utakmica se gubi službenim rezultatom 3:0 i novčanom kaznom do 1500 KM.
  15. nastup ekipe na utakmici bez trenera
    - 250 KM – za prvi nastup u toku sezone
    - 400 KM – za drugi nastup u toku sezone
    - 600 KM – za treći i sljedeći nastup u toku sezone
- Sve izrečene kazne se uvećavaju za iznos PDV.

### **član 37.**

Delegat u slučaju nesportskog ponašanja navijača (nasilno, vulgarno i uvredljivo), nošenje neprimjerenih obilježja i poruka, dužan je da od domaćina utakmice zatraži da navijači prestanu sa takvim navijanjem i da uklone poruke i obilježja, a protiv Kluba organizatora utakmice podnosi prijavu. Ako incident naprave gostujući navijači onda podnosi prijavu protiv gostujućeg Kluba.

Ukoliko ne dođe do prestanka nesportskog navijanja i ponašanja, delegat će udaljiti taj dio navijača iz sportske dvorane, a protiv Kluba pokreće se disciplinski postupak. Ako dio gledališta na zahtjev Delegata i prvog sudca ne napusti dvoranu utakmica se prekida i biće registrovana službenim rezultatom za ekipu čiji gledaoci nisu izazvali incident. Ako gostujući navijači dolaze na utakmicu Klub čiji su navijači, dužan je najaviti dolazak istih, Savezu i Klubu domaćinu a ako to ne uradi biće sankcionisan.

### **član 38.**

Prilikom izricanja kazni Direktor takmičenja je dužan voditi računa o težini učinjenog prestupa i o činjenicama da su odbojkaški subjekti za iste propuste već kažnjavani u tekućoj sezoni.

### **član 39.**

Za svaki kazneni karton, klub je dužan uplatiti u roku od 5 dana sljedeći iznos:

- 50 KM+PDV- žuti karton (KAZNA),
- 80 KM +PDV-crveni karton(KAZNA)
- 150 KM +PDV- žuti-crveni karton – zajedno (ISKLUČENJE),
- 300 KM +PDV- žuti-crveni karton – odvojeno (ODSTRANJENJE).

Učesnik takmičenja koji dobije treći crveni karton, dva crvena i žuto–crveni zajedno ili drugi žuto-crveni zajedno u takmičarskoj sezoni, automatski nema pravo nastupa za



ekipu u prvoj narednoj utakmici odnosno takmičenja. Ovi kartoni su prenosivi u sledeće sezone i ovo pravilo se primjenjuje od takmičarske sezone 2018/19. Klub koji ne uplati novčani iznos po dobijenim kartonima nemože igrati narednu utakmicu i ista će biti registrovana službenim rezultatom 3:0 za protivnika. Ukoliko obadvije ekipe nisu uplatile novčani iznos po dobijenim kartonima biće obadvije kažnjene neodigravanjem utakmice i niko neće dobiti bodove za tu utakmicu.

Klub vodi evidenciju kažnjenih osoba i odgovoran je za nastup učesnika u takmičenju koji nema pravo nastupa zbog dobijenih kaznenih kartona kao i sam učesnik. Ukoliko se desi da na utakmici nastupi igrač-ca, trener ili neko drugi ko je sankcionisan, utakmica se registruje službenim rezultatom za protivničku ekipu a osoba koja nastupi pod zabranom biće sankcionisana sa 3 utakmice kao i novčanom kaznom u iznosu do 1500 KM+PDV, a Klub će biti sankcionisan do 3000 KM+PDV. Direktor takmičenja izriče kazne.

Učesniku takmičenja, odstranjenom do kraja utakmice, Direktor takmičenja izriče zabranu nastupa od 1 do 3 utakmice i novčanu kaznu do 1000 KM+PDV.

Takmičarski organ vodi evidenciju kaznenih kartona sa podacima o učesniku takmičenja, utakmici, datumu, vrsti kartona, iznosu novčane kazne, datumu uplate kazne i dr.

#### **član 40.**

Odbojkaški subjekat koji ne uplati kaznu u roku od 5 dana od dana učinjenog prekršaja i izrečenoj mandatnoj kazni nema pravo nastupa u takmičenju dok kaznu ne uplati. Ukoliko se radi o odbojkaškom klubu, zbog izgubljenog prava nastupa na utakmici po osnovu neizvršenih finansijskih obaveza, utakmica se registruje službenim rezultatom za protivničku ekipu.

Neizvršavanje finansijskih obaveza (neplaćene kotizacije za takmičenje, kazni iz nadležnosti Direktora takmičenja i Disciplinskog sudije) povlači pokretanje disciplinskog postupka i kaznu za prestup prema Pravilniku o disciplinskoj i materijalnoj odgovornosti. Direktor takmičenja je dužan pridržavati se propisanih rokava u aktima Saveza, a u suprotnom protiv njega će se pokrenuti disciplinski postupak ako dođe do propusta kod pojedinih odredaba akata saveza.

#### **član 41.**

Odredbe Pravilnika o takmičenju, Pravilnika o disciplinskoj i materijalnoj odgovornosti, Aneksa propozicija takmičenja i ostala akta, primjenjivat će se kod svih pitanja koja nisu regulisana ovim Propozicijama.

#### **član 42.**

Sastavni dio propozicija čine: Aneks propozicija, Pravilnik o tehničkim normativima za odigravanje utakmice u sportskim dvoranama, zatim Uputstvo o organizovanju utakmica i Uputstvo za vršenje dužnosti delegata i delegata-kontrolora, koje donosi Upravni odbor, najkasnije 30 dana prije početka takmičenja.

Aneksom propozicija se utvrđuju: klubovi koji su stekli pravo takmičenja u Superligi Federacije i ostalim takmičenjima za takmičarsku sezonu, taksa na žalbe, kotizacija za fond zajedničkih troškova takmičenja.

**član 43.**

Tumačenje ovih propozicija daje Upravni odbor OS FBiH.

**član 44.**

Propozicije stupaju na snagu danom donošenja.

Stupanjem na snagu ovih Propozicija stavlja se van snage Propozicije o takmičenju broj 1950-06/23 od 21.06.2023. godine.

Broj: 2078-06/24

Tuzla, 12.06.2024.

P R E D S J E D N I K

---

Dr.sci. Miloš Jelčić